

四庫全書

集部

欽定四庫全書

集部

文苑英華卷三百五十二至七

詳校官庶吉士臣柳邁祖

助教臣常循覆勘

總校官進士臣朱 鈔

校對官中書臣鮑之鍾

謄錄監生臣王 宜

欽定四庫全書

文苑英華卷三百五十二

宋 李昉等 編

問答三

七召八首

對蜀父老問一首

七召

何遜

假是先生負茲勁挺狀羣飛之器

吉吊切高聲大呼也
一本作爽古喪字

侶似獨行之迷逕神忽忽而若忘意衝衝而不定鑿丹
綠其無主聞鐘鼓以失聽至乃冬霰積庭室靡人聲春

花滿野地無行者園堵常閉曲突無煙同生芻之暫有
共死灰之壹一作燃篤論公子聞而崛起雖道術之可

忘亦切磋之所耻命徒御以絡繹將有事於巖中車煜
燭而流水馬泮渙以追風乃踰汗漫入蒙龍至深潭之
澳溟有洞室之穹崇居隱磷而出沒望嶽岑而下上竹
距石以斜通水韻松以含響地不寒而蕭瑟日無雲而
曠朗於是整容投刺屣履一作排門揚眉就席舉袂而
言曰若五秀稟其生靈六情通其愛惡憎共集於鄙老

嗜同歸於美樂今足下羣鳥獸以為娛處貧賤而不作
欲賓實於孤介乃貽譏於隕穫至乃喀喀死於道邊瞽瞍
填乎溝壑削松筆以畫虎鼓鉛刀而刻鶴身既勞而不
勸事何感而莫懲欲模名於帶索豈知命於泥繩何異
走長衢以避影煎流水以求水今欲道足下以衛生之
祕術怡神之妙道譬愈疫於寒植同起尸於仙草寧
願聞乎先生曰有為之生已逼無益之慮常勞若見明
於礙滯幸求救於盲膏公子曰千門始構百常洞啓激

洛開渠疏山抗陞延表水陸曠望東西下臨江海上屬
雲霓百丈杳冥以飛跨九層鬱律以階梯步三休而更
迴塗中宿而方迷雕牆屈曲以交牙網戶周流以重積
既陰涿而影響亦叫嘯而迴一作辟易沙板金鋪紫柱玉

鳥煒煌燿絕硯礮搏故圖雲霧之蔽虧狀神仙之來往
壁璫自耀珠綴恒響蜉蝣動而晝喧熠燿飛而夜朗既
臨下以寥沈亦憑高而決漭聞疾雷於階陞一作板弄犇
星於帷幌亘以曲堂周以洞房北負連闥南注長廊綺

疏交映鏤檻相望鶯飛蓮并日照杏梁陽烏鶯其將動
雲鳳矯而欲翔若乃後沼開源延石崇壤擬崑閬之巒
峴比滄溟之瀆濬其中則有桂宮栢寢吳臺柘館複道
耿介而連雲阿閣穹隆而仰漢望虬欄之映水見丹鶴
之出岸豔草竒色臺樹玆名長生靈壽男華女貞河柳
垂葉山榴發英翫竒花之春蒲摘甘實於夏成此實宮
苑之壯麗豈能從我而為榮先生曰多言反道辯口傷
實懼貽弊於部家且自安乎容膝

公子曰銅瓶玉井金盃桂薪六爨九鼎百果千珍熊蹯

虎掌雞跖猩脣鱗

子林切

魚兩味玄犀五肉拾卵鳳巢剖

胎豹腹三鸞甘口七菹愜目蒸餌十字湯官五熟梅椒

魯豉河鹽蜀薑劑水火而調和糝蘇菽以芬芳脯追復

而不盡犢稍割而無傷龜羹流歎蜒醬先嘗鱸溫湖

之美蚶切丙穴之嘉魴落俎霞散逐办飛揚輕同曳蠶

白似飛霜蔗有盈丈之名桃表蕪斤之實杏積魏國之

貢菱為鉅野所出衡曲黃梨汶垂蒼栗隴西白榛湘南

朱橘荔枝沙棠蒲萄石蜜瓜稱素腕之美棗有細腰之
質並抗吻以除煩亦咀牙而消疾於是三雅陳席百味
開印玉璣星稀蘭英縹潤既夷志於坎壈亦懷忘於
鄙怯此蓋滋旨之極珍豈能從予而共進先生曰不貴
媮食寧甘醇酒既深悟於腐腸豈自迷於爽口

公子曰秦氏獨立燕姝絕世如短如長不穠不細信耳
目之妖冶乃古今之佳麗妍姿豔逸淑性閑華效施顰

於宋里經

一作

墮馬於梁家折纖腰以微步

一作於

里

一作 暄 皓腕乎輕紗臨池正領拂鏡看花觀堵牆以颯沓

傾城國以誼譁墨欲歸而抽軫車攔也疑作軫車後橫木也惠將返

而迴車至迺鄭衛繁聲抑揚絕調足使風雲變動性靈

感召擊哀響則春臺之人愴焉而雪泣一作涕起歡情則

崩城之婦媯然而微笑嶰谷調一作樓鳳之竹一作管龍門

獨鶻之柯綠珠絳樹宋獵韓娥青春婉婉上客經過開

洞房以命賞召才人而合宴舉輕幔以徐來隔珠簾而

可見牀披珠一作珍象簾展羅薦聽促柱之方進聞廣聲

之始嚙步想象以頓足腕蹠連

一作蹠避

而拂面托斜視於

遺簪寄含情而舉扇俄而夕烏東反落日西懸綺霞映

水蛾月昇天解鴛鴦之繡被拂蛩距之長氈燭中

一作羽

幃而動爛香山

一作薰蕙帳

而微烟願橫施以自昵脫斜領

於君前此乃聲色之妖蕩將不從我而留連先生曰淫

聲非篤論之旨麗色本余情所棄伐國不問仁人此言

從何而至

公子曰歲晚農休時間務隙山火已燎野霜初白聊效

殺於秋冬乃從禽於草澤蜀地五丁齊國二子氣動山

漂汗揮雨起渥注流頰

一作精

蘭池照血躡飛影於未形

赴犇星於欲滅革車隱隱駟闐闐鼓譟誼而振地烝

徒駭而聒天割玉之刀飲石之箭且羅布其一目罟網

周及三面犬號驤螭鷹名奔電暫離已合忽隱仍見赴

迴超危衝林跋援草隨足起山從眼轉跨躡岡濶電舉

陵陸鳥不及飛獸不遑伏既前輪而後赴亦左排而右

蹴跖

疑作蹶

實駭而自救騰虛亂而相撲視灑血之丹地

見飛毛之暗目傍窮劫削勢極搜求文皮坐裂曉尾生
抽手羈鐵頂足批銅頭象折牙而陵遽貊拉齒而夷由
擒高樓之度索走大樹之神牛鴈聞弦而跣墮援抱木
而啾啾笑楚王之雲夢耻漢帝之中流此武材之矯猛
豈能從我而畋遊先生曰馳騁傷仁好殺非勇幸廣內
之豐樂何禽荒之足重

公子曰跋烏始照宮槐遽而欲舒顧兔纔滿庭英紛而

就落

一作跋烏始照宮槐遽吹舒顧兔而纔滿庭英柯而就落

譬光影於飛浮比生

靈於栖託擾擾摩肩鱗鱗方駕立休迫於毀譽獨慙勤
於用舍嗟向有而今無歎後榮而前謝清歌雅舞暫同
於夢寐廣廈高堂俄成於幻化若夫洗精服食慕道遊
仙尋玉塵於萬里守金竈於千年三尸可度九轉難傳
飛騰水陸咀嚼靈玄若乃壁上真辭枕中秘要彈壓神
鬼吐納靈妙既變醜以成妍亦反老而為少虬駕天矯
而出沒霓裳颯沓而容與接鵠馭於後乘追鳳簫於前
侶雨散漫以霑服雲霏微而襲宇瞰芝闕以窈窕見王

臺之相拒蓋排煙而漸滅旌拖風而未舉值解佩於江
濱逢弄珠於漢渚薄遊玄圃弭節太華列神童於羽帳
侍玉女於仙車澗採兮危實苑拔兮迴花聽弱水之晨
浪望崑山之夕霞窮北辰而比壽指中岳以為家此神
仙之恍惚豈從我而蠲邪先生曰捕影之言莫測繫風
之論難盡未嘗留意於死生豈復稍論於椿菌

公子曰洙泗遺文鄒魯餘烈其道未遠其風不絕方領
圓冠金口木舌談章句之遠旨構紛綸之雅說陳五禮

明六詩貫穿微妙辨析毫釐既待問以重席亦覃思而
下幃醞藉愷悌和樂緝熙生徒肅肅賓友師師並接社
以聞道俱援手而受辭心絕內戰事無外愆橫經者比
肩擁帚者繼足醜申韓之法令陋桓文之風俗六郡漆
其衣冠五陵窮其軌躅信斯文其若水實斯人之如玉
若夫珠璣產於蚌蛤珪璧出於山淵未有玉不瑩而為
寶人無學而稱賢蓋持身之管籥進德之舟船響如鍾
而待叩明似鏡而常懸此見重於經術寧降志於吾賢

先生曰誠此言之甚美比斯道之為曠耻見朝於腐儒
豈求珍於席上

公子曰我大梁之啓基方邃古而無匹先天定始比殷
周而餘裕揖讓受終考唐虞而不失道德有序憲章咸
秩六府孔脩百司盡畢搜求儒雅招拾遺逸旰食思治
雖聞之於昔談昧旦臨朝乃見之乎茲日蕩蕩薰風泱泱
大典道舍弘而廣被澤汪濊而傍聞採輿人之片言納
匹夫之小善事在微而畢照然無幽而不顯若夫下車

布德伐罪吊民風無偃稼雨不破塵覩勝殘於朞月見

成俗於浹辰含

一作幽

羣生兮如海養萬類其猶春鄉無

承食之祿野靡狼顧之民樵者目金而知耻耕夫讓畔

以成仁何大庭之足競豈粟陸之能隣壁水道庠序之

風石渠啓珪璋之盛竒士輻湊而騁足異人間出而効

命小大之獄無寃民翺飛之物無天性故能睦之以九

世齊之以七政坦坦恢恢巍巍赫赫政德洽於霜風教

義窮於足迹望雲氣而款關候海水而重譯所謂府不

輟貢史無虛帛天瑞磊砢而相尋地符氤氲而不少收
六穗於征賦翫九莖於池沼三足應感而來儀一角知
時而自擾映景星於初月聆鳳音於將曉若乃亭毒
不疵合天地而並施陶鈞日月與造化而齊功故非言
辭之可具盡筆札之所能窮懷真獨往之夫犇走而從
事滅迹藏名之士顛倒而向風二漢有同於兒戲魏晉
無礙於胷中言未畢先生攝衣而起曰子前所說似玉
卮之無當徒費辭而難領譬由背日而視秋毫却行而

求鄙郢一聞皇王之盛則豁然神悟而理攄志無時而
可卷邦有道而宜舒敢以淺智請從一作後車

對蜀父老問

龍集荒落律紀蕤賓余自艷錫歸於五津從王事也丁
丑屆於昇仙橋上送客宇即相如所謂不乘赤車駟馬
不出汝下者也遇蜀父老皤然龐眉華髮者休於斯謂
余曰子非衣冕之族歟文章之徒歟飾仁義以干時乎
懷詩書以邀名乎吾聞諸夫子曰邦有道貧且賤焉耻

也當今萬方日用九有風靡主上垂衣裳正南面而已
矣庸非有道乎而子爵不登上造位不至中涓藜羹不
厭短褐不全容非貧賤乎吾視子形容憔悴顏色疲惫
心若涉六經眼若營四海何其無耻也何其不一干聖
主效智出奇何栖栖營營自苦若斯吾聞克為卿失則
烹何故區區冗冗無所成名余笑而應之曰井魚不可
以語於海者拘於墟也夏蟲不可以語於冰者篤於時
也蓋聞智者不背時而徼幸明者不迂道以干非是以

聖賢馳騫莫徹三家之轍匹夫高抗不屈萬乘之威道
在則簞瓢匪陋義存則珪組斯遠或立談以邀鼎食或
白首而甘布衣或委輅而仕屬論都之會或射鈎以相
遇匡霸之機亦有朝為伊周暮為桀跖當其時也襲珩
珮之鏘鏘失其時也委溝渠而喀喀故使龍丘先生羞
聞擁篲鴈門太守不知縫掖孟軻偃蹇為王者師范睢
匍匐為諸侯客富貴者君子之餘事仁義者賢達之常
迹來不可遠類鴻鴈之隨陽去不可留同白駒之過隙

行蘇張之辨於委燧之年則迂矣用韓彭之術於堯舜
之朝則舛矣守夷齊之節於湯武之時則孤矣抱申商
之法於成康之日則過矣彼一時也此一時也易時而
處失其所以大唐之有天下也出入三代五十餘載月
竈來庭風丘款塞金革已偃羽檄已平雖有廉白之將
孫吳之兵百勝無遺策千里不留行無所用也社首既
禪介邱既封創明堂立辟雍雖有闕里之聖淹中之儒
叔孫通之蒞公玉帶之徒將焉設也咸英並作韶武畢

用奏之方澤而地祇登升之園丘而天神降雖有伶倫
伯夔延陵子期操雅曲則風雲動激淒音則草木悲又
何施也畫衣莫犯囹圄不脩雖有咎繇仲甫之器釋之
定國之儔金科在握丹筆如流非急務也人歸東戶家
沐南薰山澤無蹊隧雞犬不相聞雖有文翁黃霸之述
職子游子賤之絃歌政成禮讓俗被雍和固無取也干
戈已戢禮樂已興刑罰已措梁父已昇公卿常伯庶政
其凝雖有鴻才大畧麗句一作藻豐辭發言盈乎百代濡

翰周乎四時畧無益於今日而適足以拂之是故天子
恭已羣臣演成攘袂而陵稷卨撫掌而笑阿衡無為而
萬物皆遂不言而品彙咸亨莫不稱贊鴻烈揄揚頌聲

言殊者拓

疑作招

累行危者相傾効智者輟談於草澤出

奇者裏足於山楹許由去而堯仁不少善卷逃

一作避而

舜德不輕夫周冕雖華猿猴不之好也夏屋雖崇騏驥
不之處也載鼂以車馬不如放之於藪穴也樂鷄以鍾
鼓不如栖之以深林也此數物者豈惡榮而好辱哉蓋

不失其天真也若余者十五而志于學四十而無聞焉
詠羲農之化翫姬孔之篇周遊幾千里馳騁數十年時
復陵霞汎月搦札彈弦隨時上下與俗推遷門有張公
之霧突無墨子之煙雖吾道之窮矣夫何妨乎浩然今
將授子以中和之樂申子以封神疑作禪之篇終眇慙乎
措地竊所慕於談天於是蜀父老再拜而謝曰鄙夫瞽
陋長自愚惑習俗遐陬不遊上國聞主人之休旨聽皇
猷之允塞亦猶戲雉而遇司南銜龍而光有北請終餘

論永告印契

文苑英華卷三百五十二

欽定四庫全書

文苑英華卷三百五十三 宋 李昉等 編

問答三

釣磯應誥文一首 進學解一首

釋言一首 答問一首

學解嘲對書一首

釣磯應誥文 駱賓王

余以三伏晨行至七里灘此地即新安江口也有嚴子

陵釣磯馬澄潭至清洞徹見底往往有羣魚戲歷歷如

水行耳人有釣者試取餌而投之或有游

集作浮

而不顧

者或有含而復吐者或有廉隅莫之近者或有貪暴

集作

而輒吞之者引竿而舉因以獲焉其始出也掉尾揚鬣

有若恃力而自免

集作勉

其小退也則鼓鯁濡沫有似屈

體而求哀嗟乎勢牽于人道窮乎我將欲以下座而歌

馮子又安能中轍而呼莊周哉余乃祝之曰猛獸搏也

拘於檻穽鷙鳥攫也繫於籠樊素龜靈也被髮阿門

莊子

宋元君夢人被髮
向阿門即白龜也

白龍神也挂豫且網

白龍為豫且所
網事具說苑集

作置
非

何不潛泥而沉處何故貪餌而吞釣乎於是放之

江流盡其生生之理時同行者顧誥余曰夫至人之處

世也擬迹而後投隱心而後動始終不易其業

集作
道悔

吝不生其情而吾子沉緝於川登魚於陸烹之可以習

政術羞之可以助庖厨曩求之將何圖今捨之將何欲

余笑而應之曰聖人不凝滯於物智士必推移於時知

幾之謂神舍生之謂道殷乙聖人也囚於夏孔子賢人

也畏於匡且夫明哲之賢尚罹幽憂之患况乎鱗羽之
族寧無弋釣之累哉故曩吾有心也恐求之而不得今
吾無心也使集作既得之而亡求夫求與捨不亦雙美乎

烹與羞不亦兩傷乎况療饑者半菽可以充腸為政者
一言可以興邦亦何必因小鮮而後明三異之規勸大
命而後冀一食之飽擒而不殺可不謂仁乎獲而不饗
可不謂廉乎且夫垂竿而為事者太公之遺術也形坐
磻溪之石兆應渭集作滋水之璜夫如是者將以釣川耶

將以釣國耶然後知古之善釣者其惟太公乎又有妙
於此者其惟文王乎夫文王制六合為釣懸四履而為
餌筮之於清廟投之於巨川一引而獲太公再舉而登
尚父由此觀之蹲會稽而沈轄者鮑肆之徒也踞滄溟
集作海而得鼈者漁父之事也斯蓋集作並眇小者之所習
安知大丈夫之所為哉

進學解

韓愈

國子先生晨入太學招諸生立館下誨之曰業精於勤

荒於嬉行成於思毀於隨方今聖賢相逢治具畢張拔
去克邪登崇俊良占小善者率以錄名一藝者無不庸爬
羅剔抉刮垢磨光盖有幸而獲選孰云多而不揚諸生
業患不能精無患有司之不明行患不能成無患有司
之不公言未既有笑於列者曰先生欺予哉弟子事先
生於茲有時集作日矣先生口不絕吟於六藝之文手不
停披於百家之編記事者必提其要纂言者必鉤其玄
貪多務得細大不捐焚膏油以繼晷恒矻矻以窮年先

生之於業可謂勤矣舐排異端攘斥佛老補苴罅漏張
皇幽眇尋墜緒之茫茫獨旁搜而遠紹障百川而東之

一作走

迴狂瀾於既倒先生之於儒可謂勞矣沉浸醲

一作

醲郁含英咀華作為文章其書滿架上窺姚姒渾渾七

涯周誥殷盤佶屈聱牙春秋謹嚴左氏浮誇易竒而法

詩正而葩下逮莊騷太史所錄子雲相如同工異曲先

生之於作

集作文

可謂宏其中而肆其外矣少始知學勇

於敢為長通於方左右具宜先生之於人可謂成矣然

而公不見信於人私不見助於友跋前疐後

集作動輒

得咎暫為御史遂竄南夷三年博士冗不見治命與仇

謀取

集作

敗幾時冬暖而兒號寒年登

集作

而妻啼饑

頭童齒豁竟死何裨不知慮此而反教人為先生曰吁

子來前夫大木為杗細木為桷榑櫨侏儒椳闈店楔各

得其施

集作

施於成室者匠氏之工

文粹

也玉札丹砂

赤箭青芝牛溲馬勃敗鼓之皮俱收並蓄待用無遺者

醫師之良也登明選公雜進巧拙紆餘為妍卓犖為傑

校短論

集作量

長唯噐是適者宰相之方也昔者孟軻好

辨孔道以明轍環天下卒老於行荀卿宗王

集注一作守正

大

倫是弘

一作倫以興

逃讒於楚廢死蘭陵是二儒者吐辭為

經舉足為法絕類離倫優入聖域其遇

一作進

於世何如

也今先生學雖勤而不繇其統言雖多而不要其中文

雖奇而不濟於用行雖脩而不顯於衆猶且月費俸錢

歲靡

集作靡

廩粟子不知耕婦不知織乘馬從徒安坐而

食踵長途之促促

文粹作役役

窺陳編以盜竊然而聖主不

加誅宰臣不見斥此非其利哉

文粹作
幸歟

動而得謗名亦

隨之投閒置散乃分之宜若夫商財賄之有亡計班資

之崇庫忘已量之所稱指前人之瑕疵是所謂

集作
猶詰

匠氏之不以杙為楹而訾醫師以昌陽引年欲進其菀

苓也

釋言

韓愈

元和元年六月十日愈自江陵法曹詔拜國子博士始
進見今相國鄭公公賜之坐且曰吾見子某詩吾時在

翰林職親而地禁不敢相聞也今為我盡寫子詩書為
一通以來愈再拜謝退錄詩書若干篇擇日時以獻於
後之數月集作日有來謂愈者曰子獻相國詩書乎曰然
曰有為讒於相國之坐者曰韓愈曰相國徵予文予不
敢匿相國豈知我哉子其慎之愈應之曰愈為御史得
罪德宗朝同遷於南者凡三人愈為先收用相國之賜
大矣百官之進見相國者或立語以退而愈辱賜坐語
相國之禮過矣四海九州之人自百官以下欲以其業

徹相國左右者多矣皆憚而莫之敢獨愈辱先索相國
之知至矣賜之大禮之過知之至是三者於敵以下受
之宜以何報況在天子之宰相乎人莫不自知凡適於
用之謂才堪其事之謂力愈於二者雖曰集作日勉焉而
不近東帶執笏立於士大夫之行不見斥以不肖幸矣
其何敢傲於言乎夫傲雖兇德必有恃而敢行愈之族
親鮮少無攀集作夕睚之勢於今不善交人無相先相死
之友於朝無宿資蓄貨以釣聲勢弱於才而腐於力不

能奔走承機抵巇以要權利夫何恃而傲若夫狂惑喪

心之人蹈河而入火妄言而罵詈者則有之矣而愈人

知其無是疾也雖有讒言集作此字者百人相國將不信之

矣愈何懼而慎歟既累月又有來謂愈者曰有讒子於

翰林舍人李公與裴公者子其慎歟愈曰二公者吾君

朝夕訪焉以為政於天下而階太平之治集作此字居則與

天子為心膂出則與天子為股肱四海九州之人自百

官以下其孰能一作此字不願忠而望賜愈也不狂不愚不

蹈河而入火病風而妄罵不當有讒者之說也雖有讒者百人二公將不信之矣愈何懼而慎既以語應客夜歸私自尤曰咄市有虎而曾參殺人讒者之效也詩曰取彼讒人投畀豺虎豺虎不食投畀有北有北不受投畀有昊傷於讒疾而甚之之辭也又曰亂之初生僭始既涵亂之又生君子信讒始疑而終信之之謂也孔子曰遠佞人佞人不能遠則有時而信之矣今我恃直而不戒禍其至哉徐又自解之曰市有虎聽者庸也曾參

殺人以愛惑聰也巷伯之傷亂世是逢也今三賢方與天

子謀所以施政於天下而階太平之治聽聰而視明公正

而敦大

集作尾下同

夫聰明則聽視不惑公正則不邇讒邪敦

大則有以容而思彼讒人者孰敢

集作散

進而為讒哉雖進

而為之亦莫之聽矣我何懼而慎

二字集作為

既累月上命

李公相客謂愈曰子前彼言於一相今李公又相子其

危哉愈曰前之謗我於宰相者翰林不知也後之謗我

於翰林者相國不知也今二公合處而會言若及愈者

集作此字

必曰韓愈亦人耳彼傲宰相

集作相國

又傲翰林其將

何求必不然吾乃今知免矣

集無此字

既而讒言果不行

答問

柳宗元

有問柳先生者曰先生貌類學古者然遭有道不能奮厥志獨被罪辜廢斥伏匿交遊解散羞與為戚生平嚮慕毀書滅跡他人有惡指誘增益身居下流為謗數澤罵先生者不忌陵先生者無譴遇揖目動聞言心惕時行草野不知何適獨何劣耶觀今之賢智莫不舒翹揚

英推類援朋疊足天庭魁壘恢張羣驅連行竒謀高論
左右抗聲出入翕忽擁門填局一言出口流光垂榮豈
非偉耶先生雖讀古人書自謂知理道識事機而其施
為若是其悖也狼狽擯僚何以自表於今之世乎先生
答曰敬聞命然客言僕知理道識事機過矣僕惜夫屈
伸去就觸罪受辱幸得聯支體完肌膚猶食人之食衣
人之衣用人之貨無耕織居販然而活給羞媿恐慄之
不暇今客又推當世賢智以深致誚責吾縲囚也逃山

林入江海無路其何以容吾軀乎願客少假聲氣使得
詳其心次其論客曰何敢先生曰僕少嘗學問不根師
說心信古書以為凡事皆易不折之以當世急務徒知
開口而言閉目而息挺而行躓而伏不窮喜怒不究曲
直衝羅陷穽不知顛路愚蠢狂悖若是甚矣又何以恭
客之教而承厚德哉今之世工拙不欺賢不肖明白其
顯進者語其德則皆茫洋深閼端貞鯁亮苞并涵養與
道俱往而僕乃蹇淺窄僻跳浮嘍胡陌切啗側伯切抵瑕陷

厄固不足以超超批披

力結切

而追其跡舉其理則皆謨

明淵沉剖微窮深劈析是非校度古今而僕乃緘鉗塞

默耗眊窒惑扶異探怪起幽作匿攸攸恤恤卒自旤卽

字賊固不足以睢盱激昂而效其則言其學則皆摠攬

羅絡橫豎雜博天旋地縮鬼神交錯而僕乃單庸撇孛

離䟽空虛竊聽道塗顛啞蒙愚不知所如固不足以抗

顏搔舌而與之俱稱其文則皆汗漫輝煌呼噓陰陽輳

輶三光陶鎔帝皇而僕乃朴鄙艱澁培塿渠潄且入毫切

聯縷緝塵出塊入固不足以據擣踊躍而涉其級茲四
者懸判雖庸童小女皆知其不及而又裹以罪惡纏以
羈繫客從而擠之不亦怨乎且夫白蟻騷耳之得康莊
也逐奔星先飄風而跛驢不出泥滓黃鐘元間之登清
廟也鏗天地動神祇而鳴鳴咬哇不入里耳西子毛嫵
之蹈後宮也皎朝日煥浮雲而無鹽逐於鄉里蛟龍之
騰於天淵也彌六合澤萬物而蝦與蛭不離尺水卓詭
倜儻之士之遇明世也用智能顯功烈而麼眇連蹇顛

頓披靡固其所也客又何怪哉且夫一涉險阨懲而不
再者烈士之志也知其不可而速已者君子之事也吾
將竊取之以沒吾世不亦可乎乃歌曰堯舜之修兮禹
益之憂兮能者任而愚者休兮蹉蹉蓬藿樂吾囚兮文
墨之彬彬足以舒吾愁兮已乎已乎曷之求乎客乃笑
而去

學解嘲對書

沈亞之

客有以今廩食之不充漕輓不勝於弊是勞遠而惰近

以為問者余於是發憤數日故縷言而對曰昔漢徙山東豪富兼井之家以奉園邑凡百二十四萬戶又有南北東西軍及匈奴雜虜以國衆來歸者仰給於漢未聞嘗俟漕輓於吳越而後給也今以三十

集作此

千人食勞

輸江淮歲貢三十萬斛迎流陵

集作越

險覆骸敗輒

集作帆

不得十半自渭以東督稽之官凡四十七署署吏不下數百歲費錢千

集作十

萬為大數而部吏舟傭相踰為姦鞭榜流血酸苦之聲相聞禁錮連歲不解歲千餘人雖赦

宥而獄死者不可勝多矣甚非聖人

集作仁聖

之所以牧人

也乃者燕人叛玄宗南涉巴蜀肅宗勞兵於靈武及二

集作三

駕神遊代宗臨陝關中流離羸牛一糶當市錢二

百千故有轉輸之法雖救一時然終轉入於禍誠可以
痛今雖未可暴去且宜以三輔粟為貢重資於農則耕
稼自勤耕稼自勤則甸服無曠土游人矣如此九年之
蓄可以儲又何勞輸輓於遠哉客曰敬聞其旨

文苑英華卷三百五十三

欽定四庫全書

文苑英華卷三百五十四 宋 李昉等 編

騷一

五悲文五首

弔屈詞三章

五悲文

并序

盧照隣

自古為文者多以九七為題目乃有九歌九辨九章七
發七啓其流不一余以為天有五星地有五嶽人有五
章一作常禮有五禮樂有五聲五者亦在天地之數今造

五悲以申萬物之情傳之好事耳

悲才難

一悲曰恭聞古之君子兮將遠適乎百蠻何故違父母
之宗國從禽獸於末班將矯詞兮不往將背俗兮不還
寧曲成而薄喪不直敗以厚顏彼聖人兮猶若此況不
肖於中間古往今來邈矣悠哉稊生玉折顏子蘭摧人
兮代兮俱盡代兮人兮共哀一作人代代兮俱盡代人人兮共哀至如左
丘失明冉耕有疾兵法作而猶牘史記修而下室高明

者鬼瞰其門正直者人怨其筆雖為鏡於前代終抱痛
於今日別有漢陽計掾邠國臺卿抗希代之竒節負超
時之令名坎壈九死離披再生伊才智之為患故賢哲
之所嬰若乃賈長沙之數竒崔亭伯之不偶思欲削魯
史之高行鉗楊墨之辨口為書為禮驅季俗於三古之
前垂譽垂聲正頽綱於百王之後天子聞之而欲用羣
公畏之而莫取徒窘蠢於泥沙竟龍鍾於塵垢異乎稽
之古人則如彼考之今代又如此近有魏郡王公曰方

華陰楊氏曰亨咸能博達奇偉覃思研精探孔門之禮
樂吞鬼谷之縱橫嶽秀泉澄如川如陵高談則龍騰豹
變下筆則煙飛霧凝王則官終於郡吏楊則官止於邑
丞何異夫操太阿以烹小鮮飛夜光而彈伏翼灼金龜
兮訪兆邀玉騏兮騁力雖勞形而竭思吾固知其不得
予之昆兮曰杲之余之季兮曰昂之杲也杲杲兮如三
足之鳥昂也昂昂焉如千里之駒杲之為人也風流儒
雅為一代之和玉昂之為人也文章卓犖為四海之隋

珠並蘭馨兮桂郁俱龍駒兮鳳雛生於戰國則管樂之
器長於闕里則游夏之徒以方圓異用遭遇殊時故才
高而位下咸默默以遲遲青青子衿兮時向晚黃黃我
綬兮鬢如絲昆兮何責坐乾封兮老矣季兮何負橫武
陵而棄之舉天下兮稱屈何暗室之足欺為小人之所
笑為通賢之所悲童子尚知其不可矧衡鏡與著龜故
曰至道之精窅窅冥冥至道之極昏昏默默焚符破璽
而人朴鄙剖斗折衡而民不爭拔

莊子

作儼

子工

倕

之指

而天

下始巧膠離朱之目而天下始明然後除其矯黠之患
安其性命之精太平之代萬物肫肫凡聖脗合賢愚滑
昏公卿不接友長吏不迎尊當成康勿用何暇談其兵
甲典謨既作焉得耀其書論雖有晏嬰子產將頓伏於
閭巷雖有冉求季路且耕牧於田園彼尋常之才子又
焉可以勝言命鸞鳳兮逐雀驅龍驥兮捕鼠使掌事者
校其功兮孰能與隼狸而齊舉金為舟兮璫瑁楫不可
以涉丘陵些珠為衣兮翡翠裳不可以混樵蒸些何器

於高鼻洛陽板蕩橫死坐其無鬚嗝呶栗斯口含天憲
睚眦薑芥屍僵路隅變化與屈伸交逐窮達與存亡並
驅因其所有而有之則萬物無不有就其所無而無之
則萬物無不無有竅而生寧唯混沌無用而飽何獨侏
儒是以遽伯玉卷兮長卷舜武子愚兮更愚庭有樹兮
樹有荆園有鳥兮鳥有鷦鷯其鳴矣思諸兄矣荆其頽
矣思諸季矣巖有芳桂隰有棠棣枝龍從兮相樛葉翩
翻兮相翳天之生胡寧不惠何始吉兮初征悲終凶於

未濟

悲窮通

二悲曰流淚公子傷心久之歷萬古以抽恨橫八荒而
選悲有幽巖之卧客兀中林而坐思形枯槁以崎嶇足
聯蹠以緇釐悄悄兮忽愴愴眇眇兮惆悵超邁兮獨蹇
淹留兮空谷天片片而雲愁山幽幽而谷哭露垂泣於
幽草風含悲於拱木徒觀其頂集飛塵兀埋積雪骸骨
半死血氣中絕四支萎墮五官歌缺皮襍積而千皺衣

聯蹇而百結毛落鬚禿無叔子之明眉脣亡齒寒有張
儀之羞舌仰而視睛翳其若膏俯而動身羸而欲折神
若存而若亡生不生而不滅其所居也不爨其所狎也
非人古樹為伴朝霞作隣不陰森以多晦傍恍惚兮無
根粉門草合石路苔新公子方撫其背兮曳其裾曰子
非有唐之文士歟燕地之高門歟昔也子之少則玉樹
金枝及其長則龍章鳳姿立身則淹中不足言其禮揮
翰則江左莫敢論其詩每兢兢於暗室恒詡詡於明時

常謂五府交辟三臺共推朝紆會稽之綬夕獻長楊之
辭痛私門之禍速惜公車之詔遲豈期晦明乖序寒燠
愆度鱗傷羽折筋變肉蠹離披於丹澗之隅敵赫於藪
山之路已焉哉已焉哉崑山玉石忽摧頽事去矣事去
矣古今聖賢悲何已天道如何自古相嗟項羽帳中之
飲荆卿易水之歌何壯夫之懦節伊兒女之情多借如
蘇武生還溫序死節王陵之母伏劍杞梁之妻泣血事
蓋迫於功名情有並於貞烈若關羽漢陰田橫海島孤

城已迫疲兵尚老離離碣石之鴻幕幕江潭之草迴首
永訣吞聲何道及夫獻帝偷生懷王客死哀西都之城
闕憶南荆之朝市鳳凰樓上隴山雲鸚鵡洲前吳江水

一離一別兮漢家宮掖似神仙獨坐獨悲

一作獨
愁獨怨

兮楚

國英華競桃李別有士安多疾顏竒不起馬援困於壺
頭冉耕悲於牖裏平生書劍宿昔琴樽研精殫於玉冊
博思泐於銅渾思欲為龜為鏡立德立言成天下之寶
豐定古今之諄諄一朝溘卧萬事寧論君徒見丘中之

饒朽骨豈知陌上之有遊魂假使百年兮一作上壽又
何足以存存

悲昔遊

三悲曰竒峯合背半隱天綠蘿蒙籠水潺湲因嵌巖以
為室就芬芳以列筵川谷縈迴兮迷徑路山嶂重複兮
無人煙當顛顛之洞壑臨泱咽之奔泉中有幽憂之子
長寂寞以思禪容色蹉跎形神綿綿形半生而半死氣
一絕而一連自言少小一作遊宦來從北燕淮南芳桂

之嶺峴北明珠之川東魯則過仲尼之故宅西蜀則耕
武侯之薄田舊鄉舊國白雲邊飛雪飛蓬暗遠天整辭
薊門千萬里少別昭丘三十年昔時人物都應謝聞道
城隍今可憐忽憶揚州揚子津遙思蜀道蜀橋人鴛鴦
渚兮羅綺月茱萸灣兮楊柳春煙波淼淼帶平沙門棧
一作閣道連延狹復邪山頭交讓之木浦口同心之華嚴君
平之卜肆戴安道之貧家月犯少微帛吳中之隱士星
千織女乘海上之仙槎長安綺城二十重金作鳳凰銅

作龍蕩蕩千門如錦綉巖巖雙闕似芙蓉題宇於扶風
之柱繫馬於驪山之松灞池則金人列岸太華則玉女
臨峯平明共戲東陵陌薄暮遙聞北闕鍾洛陽大道何
紛紛榮光休氣曉氛氲交衢近投東西署複道遙通南
北軍漢帝能拜嵩邱石陳王巧賦洛川雲河水河橋木
蘭棧金閨金谷石榴裙曾入西城看歌舞也出東郊送
使君一朝顛顛無氣力曝骸委骨龍門側當時相重若
鴻鐘今日相輕比蟬翼驅代情兮共此何余哀之能得

使我孤猿哀怨獨鶴驚鳴羅月寡色風泉罷聲嗟昊天
之不弔悲后土之無情松架森沉兮戶內一作何掩石樓
摧折兮柱將傾竊不敢當雨露之恩患長痛恨於此生

悲今日

四悲曰傾蓋若舊白頭如新嘗為疑作談過其實辨而

非真自高枕箕頽長揖交親以蕙蘭為九族以風煙為
四鄰朝朝獨坐惟見羣峯合沓年年孤卧常對古樹輪
囷相弔相哭則有饑飢啼夜相慶相賀則有好鳥歌春

林麇麇兮多鹿山蒼蒼兮少人時向西溪汲水或就東
巖負薪百年之中皆為白骨千里之外時見黃塵平生
連袂宿昔啣杯談風雲於城闕弄花竹於池臺皆是西
園上客東觀高才超班匹賈含鄒吐枚一琴一書校竒
蹤於既往一歌一詠垂妙製於將來絃將調而雪舞筆
屢走而雲迴自謂蘭交永合松契長并通宵扼腕終日
盱衡罵蕭朱為賈豎目張陳為老兵悲蒼黃兮驟變恨
消長之相傾貴而不驕人皆共推晏平仲死且不朽吾

每獨稱楊

疑相范

巨卿及其蹇產推聯支離括撮已濡首

兮將死尚搖尾兮求活莊西貸而魚窮姬東徂而狼跋

今皆慶弔都斷存亡永濶憑駟馬而不追寄雙魚而莫

達向時之清談尚存今日之相知已沒則有河濱漂母

隴上樵夫盤食

一作

帶粟粥麵無麩藜羹一盞濁酒一

壺夫負妻戴男歡女娛攀重巒之岵萼歷飛澗之崎嶇

哀王孫而進饋問公子之所須因謂予曰哀哉可憐聖

人之過久矣君子之罪多焉詩書禮樂適足衰人之神

用宗族朋友不足駐人之顏年削跡伐衛孔席由來不
暖摩頂至踵墨突何時有煙一朝至此萬事徒然自昔

相逢把臂談玄

六字一作相逢
把臂相見談玄

橫彫龍於翠札飛縞鳳

於瓊筵各自雲騰羽化谷變鸞遷鳴香車於闕下曳珠
履於君前豈憶荒山之幽絕寧知枯骨之可憐傳語千
秋萬古寄言白日黃泉雖有羣書萬卷不及囊中一錢

悲人生

五悲曰禮樂既作仁義不憊死生有命富貴在天一變

一化一虧一全去其外物歸於內篇

一作歸其自然

儒與道兮

方計於前其書萬卷其學千年鍾鼓玉帛楚楚邊

一作編

躔金木水火混合推遷六合之內慕其風兮如市百代

之後隨其流兮若川三界九地往返周旋四生六道出

沒牽聯碾碾磕磕蠢蠢翾翾受苦受樂可悲可憐有超

然之大聖歷曠劫以為期戒定惠解非陰入慈悲喜捨

非見思聞儒道之高論乃撞鐘而應之曰止止善男子

觀向時之華說乃天子之辯士請弄宜僚之丸以合兩

家之美若夫正君臣定名色威儀俎豆郊廟社稷適足
誇耀時俗奔競功名使六藝相亂四海相爭我者遺其
無我生者哀其無生

二句一作有者遺其無死者哀其生

孰與乎身肉手

足濟生人之塗炭國城府庫恤貧者之經營捨其有愛
以至於無愛捨其有行以至於無行若夫呼吸吐納全
身養精反於大素飛騰上清與乾坤合其壽與日月齊
其明適足增長諸見未能永證無生孰與夫離常離斷
不始不終恒在三昧常遊六通不生不住無所處不去

不滅無所窮放毫光而普照盡法界與虛空苦者代其
勞苦蒙者導其愚蒙施語行事未嘗稱倦根力覺道不
以為功所言未畢儒道二客離席再拜稽首而言曰大
聖哉孔晚聞道聃今已老徒知其一未究其術何異夫
戴盆望天倚杖逐日蒼蒼之氣未辯昭昭之光已失嗚
呼優優羣品遑遑衆人雖鑿其竅未知其身來從何道
去止何津誰為其業誰作其因一翻一覆兮如掌一生
一死兮若輪不有大聖誰起大悲請北面而趨伏願終

身而教之

弔屈原辭三章

并序

劉 蛻

吁三閭大夫之事司馬相如

集作長卿

班孟堅各有言蛻不

載故也噫大夫之賢懷王之事蛻得之涕泗下衣濡毫

瀝辭

集作血

噫大夫之為臣千萬年其誰肖宋玉淮南王

劉向東方朔王褒繼有悼語蛻一小儒也思賢人之作

悲苛

集作苛

人之佞著弔屈原

集無此字

辭三章弔公之志也

雨濛湘波浮檝搖歌既

集無既字

而悲伸紙披辭祈公兮來

之

哀湘竹

悵二妃之淚竹圓紅滴滴兮臨乎煙汀竦枝與脩幹兮

吟哀風之不已搖勁節而錦舒兮垂高蔭集作陰而自美

招翔鸞之與翠鳳兮緝晴霞之數里繁柯重乎舜祠兮

瘦影疊乎湘水諒高節之自任集作佳兮匪庭篠之云比

鄙衆蔭之延接兮肚凡羽之棲止入清溪之浪聲兮無

笙簧之相擬恨葉翻波兮騷屑之風露滴煙蒙兮濯纓

之子悵靈均之節兮依然想真姿兮千年若此

下清江

清江之上兮心夷猶清江之下兮煙波浮風軟雨絲兮

湘波高雲昏竹暗兮鬼神愁速霞開兮烏一作鳥帆隨碧

江平兮桂楫移帶隱虹兮衣凝雲披一作披薜荔兮扈江

離歲華高兮水東注秋色下兮紅蘭渡瓠瓠兮荆和

喪岐鳳翔兮龍媒去又曰心既潔兮道雲端水之浪兮

人之集無波瀾浪可平兮人心不可平波瀾一翻兮孰

測其情水之深兮不曰深悵前恨兮淚沾襟

招魂

集作招
帝子

招湘靈兮澄瀾之渚雲蔽煙沉兮明月之浦唱宵歌兮

撫雲璫擊鳴根兮薦清醑鸞去鳳飛兮雲不歸九疑疊

翠兮橫湘雨颭輕颺兮揚微波激楚怨兮下湘娥緝荷

蓋兮集雲壇潔桂席兮紉芳

一作
其椒

蘭霞為裳兮瓊為珮

舉雲旗兮持風幡若有來兮憲翠鼓懸珂兮珊珊張孔

蓋兮臨瑤臺月凝袖兮雲裁冠目眇眇兮千里春悵

集作

恨

無言兮蒼梧濱
戢蕙帶兮握芳芬

撫集作拂

瑤琴

瑟集作瑟

兮淚斑筠乘桂權
兮下清湘拖無

集作金

波兮涉滄浪

集作

能九疑之翠兮不可尋
懷沙之水兮恨之深

文苑英華卷三百五十四

欽定四庫全書

文苑英華卷三百五十五 宋 李昉等 編

騷二

釋疾文三篇

祝瘡癘文一首

釋疾文 并序

盧照隣

余羸卧不起行已十年宛轉匡床婆娑小室未攀偃蹇
桂一臂連蹠不學邯鄲步兩足匍匐寸步千里咫尺山
河每至冬謝春歸暑闌秋至雲壑改色煙郊變容輒興

出戶庭悠然一望覆燾雖廣嗟不容乎此生亭育雖繁
恩已絕乎斯代賦命如此幾何可憑今為釋疾文三篇
以貽諸好事蓋作易者其有憂患乎刪書者其有栖惶
乎國語之作非瞽瞍之事乎騷文之興非懷沙之痛乎
吾非斯人之徒歟安可默而無述故作頌曰

粵若

粵若稽古帝列仙一作山兮遠矣大矣臣太岳矣欽哉良

哉有太公兮卷舒龍豹奄經營乎四履有先生兮乘騎

日月期汗漫乎九垓尚書抗節兮屬炎靈之道喪中郎
含章兮遇金行之綱頽彼聖賢之相續信古往而今來
人何代而不貴代何人而不才鬱律崕岉兮似崑陵之
玉石泮溟粲爛兮象星漢之昭回爾其為廣也碧海雲
蒸而地合爾其為峻也赤城霞起而天開暨中朝之顛
覆家不墜乎良箕紹金柯而玉秀穆蘭馨而菊滋彌九
葉而逮余兮代增麗以光熙清風振乎終古妙譽薰乎
當時皇考慶予以弄璋兮肇錫予以嘉詞名余以照隣

字余以昇之余幼服此殊惠兮遂閱禮而聞詩於是裒

糧尋師搦裳訪古探舊篆於南越得遺書於東魯意

作一

音有缺而必刊簡無文而咸補入陳適衛百舍不厭其

栖遑累蠶重胝千里不辭於勞苦既而屠龍適就刻鵠

初成下筆則煙飛雲動落紙則鸞迴鳳驚通李膺而竊

價造張華而假成郭林宗聞而心服王夷甫見而神傾

俯仰談笑顧盼縱橫自謂明主以令僕相待朝廷以黃

散為輕及觀國之光利用賓王謁龍王於武帳揮鳳藻

於文昌先朝好史予方學於孔墨今上好法予晚受乎
老莊彼圓鑿而方枘吾知齟齬而不當是時也天子案
劔方有事於八荒駕風輪而梁弱水飛日馭一作羽兮苑
扶桑戈船萬計兮連屬鐵騎千羣兮啓行文臣鼠竄猛
士鷹揚故吾甘栖栖以赴蜀分默默以從梁其後雄圖
無畢登封禮日方欲訪高議於雲臺考竒文於石室銷
兵車兮為農器休牛馬兮崇儒術屢下蒲帛之書值余
有幽憂之疾蓋有才無時亦命也有時無命亦命也時

也命也自前代而痛諸道之乖也則賢人君子伏斧鑕而不暇時之來也則屠夫餓隸作王侯而有餘三人猖狂兮為奴為戮八子狼狽兮為醢為菹長劔以搗尚想華亭之鶴孤舟欲近遙憶閭門之魚史遷下於蠶室鄧艾徵於檻車康既幽而媿孫登宣屢困而慙寧遠故有閉門少事蹈滄海而辭組開卷獨得歸茂陵而著書起清流之浩漫長願嗟乎靈胥重曰積怨兮累息茹恨兮吞悲怨復怨兮坎壈乎今之代愁莫愁兮侘傺乎斯之

時皇穹何親兮誕而生之后土何私兮鞠而育之何故
邀余以好學何故假余以多辭何余慶之不終兮當中

路而廢之彼有初而鮮克兮賢者其猶不欺况鎔

一作陶

鈞之匠物胡不貞而諒之豈其始終與德蒼黃變色無
心意乎簪履有悲哀乎楊墨已焉哉天盖高兮不可問
地蓋廣兮不容人鍾鼓玉帛兮非吾事池臺花鳥兮非
我春寂兮冥歲歲年年長少樂荒兮惚朝朝暮暮生白
髮愴怳曠恨兮無所見

一作迷

宛轉聯蹠兮獨向隅狀若

重狴圓扉之受綫又似乾池涸井之相濡鸞鳳之翮已
鍛兮徒奮迅於籠檻騏驥之足已蹇兮空悵望於廷衛
龍門之桐半死鄧林之木全枯苟含情而稟氣兮孰能
不傷心而疾首乎歌曰歲將晏兮歡不再時已晚兮憂
來多東郊絕此麒麟筆西山秘此鳳凰柯死去死去今
如此生兮生兮奈汝何

悲夫

悲夫事有不可得而已矣是以古之聽天命者飲淚含

聲而就死推不言兮焚於介山地不偶兮跂一作于巖

一作疑水仰天而嘆員憤骨於吳江下淚交頤一作脚悲歌於

燕市天無雷兮聞蟻聚於床下家非牧兮見牂生於奧

裏支離踈之五官已敗哀駘駘莊子作他之六骸不美求時

夜兮求鴉炙兮何逼之如此為鼠肝兮為蟲臂兮何鍛

鍊之如彼鬱弗關滑兮中替胤蟠薄煩寃兮長憤惋出

戶庭兮遊息千萬里兮無極杳兮靄川綿曠兮水如帶

岬兮籟山岷嶸兮雲似蓋萋兮綠春草生兮長河曲試

一望兮心斷續晚兮晚夕鳥沒兮平郊遠試一望兮魂
不返靡蕪葉兮紫蘭香欲往從之川無梁日云暮兮涕
沾裳松有蘿兮桂有枝有美一人兮君不知氣欲絕而
何為孟夏兮恢台楊柳散兮芙蓉開葉初成兮蠶宛轉
花落盡兮燕徘徊望夫君兮不來形枯槁兮意催頹天
何為兮愁苦麥將秀兮多風梅將黃兮屢雨日色盪爛
兮流金而爍石地氣燠煜兮滿室而克戶神翳翳兮似
灰命綿綿兮若縷一伸一屈兮比艱難乎尺蠖九生九

死兮同變化乎盤古萬物繁茂兮此時余獨何為兮腸
遭迴而屢腐圍棋廢兮時不可兮再來鳴琴停兮人何
時以重撫秋風起兮野蒼蒼葭葭變兮露為霜蟬悲翳
兮聲斷鴈迷雲兮路長摧折蕭條兮林寡色顛顛芸黃
兮草不芳停劔兮懷舊友天外兮思故鄉願一見兮終
不得側身長望兮淚浪浪遙兮遠山谷縈迴兮屢轉狀
若登薊門兮望胡苑斷兮連井邑丘墟兮知幾年又似
登龍首兮見秦川木葉落兮長年悲紅顏謝兮鬢如絲

王孫來兮何遲遲思公子兮涕漣漣風嫋嫋兮雨淒淒
螢火飛兮烏夜啼牽牛西北兮星已轉織女縱橫兮河
欲低秋夜迢迢兮秋未極愁人耿耿兮愁不息有所思
兮在天漢欲往從之兮無羽翼鬱金樽兮木蘭舟青莎
裳兮白羽裘戲綠波兮坐芳洲歡不停兮人不留悵容
與兮徒離憂玄冬慘兮陰氣凝沸泉結兮炎州水郊野
昏兮寒沙漲河海暗兮繁雲興巖風急兮密雪下墜戶
閉兮無留者盼城郭兮瓊為樹兮玉為樓瞻道路兮駕

素車兮乘白馬時眇眇兮歲冥冥晝杳杳兮夜丁丁庭
有霜兮月華白室有人兮燈影青披重衾兮魂悄悄卧
空床兮目熒熒御燠鑪兮長不暖對卮酒兮憂恒滿悲
繚繞兮從中來愁纏綿兮何時斷重曰四時兮代謝萬
物兮遷化聽春鳥於春朝聞秋蟲於秋夜花覆地兮無
代一作侍河傾天兮不借無靈草兮駐朽質乎千年無彫
戈兮迴跋烏乎三舍夏日長兮繩繩炎風暑雨兮相蒸
草不扶疏兮如此余獨蘭驛二字疑兮不自勝玄月兮祈

寒窮急景兮摧殘霰雪雰雰兮長委積人事寥寥兮悵
漫漫春秋冬夏兮四序寒暑榮悴兮萬端春也萬物熙
熙焉感其生而悼死夏也百草榛榛焉見其盛而知其
闕秋也嚴霜降兮殷憂者為之不樂冬也陰氣積兮愁
顏者為之鮮歡聖人知性情之紛糾故嘆之曰予欲無
言吾將焉往而適耳箕有峯兮頰有瀾歌曰歲去憂來
兮東流水地久天長兮人共死明鏡羞窺兮向十年駸
馬停驅兮幾千里麟兮鳳兮自古吞恨無已

命曰

命曰昊天不傭兮降此鞠凶昊天不惠兮降此大戾不
先不後兮為瘡為療痛之撫兮孰知其厲木之柔兮緡
之絲之人之溫兮黼之藻之自天佑之兮無不利一者
之來兮云何二野有鹿兮其角牯牯林有烏兮其羽習
習余獨何為兮悲攢樂兮憂戢晉南山巖嵒兮樹輪囷
北津清泚兮石磷磷天之生我兮胡寧不佞少克已而
復禮無終食兮違仁既好之以正直兮諒無負於神明

何彼天之不弔兮哀此命之長勤百罹兮六極橫集兮
我身長孿圜以偃蹇永伊鬱以呻嘯天道何從自古多
邛為滅兮匪祐匪仁兮覆庸躋狼戾兮南汜跖叛滇兮
東風並強大兮熏赫咸壽考以從容勛則天兮朱已矣
韶盡美矣均忽焉公侯之系兮必復堯舜之後兮何憊
干執諫兮卒載蕃抗議兮靈年忠於一作與貞兮何復俱
不得其死焉牛一變而為虎鼈三化而作鵩觸民居蝸
而爭地龍伯釣鼈而訴天何變化之殊族而大小之相

懸長無述焉將不死而為賊賢哉回也今不幸而早亡
明夷何辜兮美里洪範何恃兮佯狂我視于天兮亦孔
之瘁止與溺兮殊貫單與張兮相詭紛紜總總兮若茲
羌未得其玄已盛之孝兮姚何感而遂開合之恭兮昆
何嫌兮不起聖人不議姬旦憤於鷓鴣君子無憂周南
歌於采芣五鹿云折退守平陵之田三都已成歸入宜
春之里乾不穆兮一為戌一為辰坤不恒兮三成田三
成水何斯柱之危脆一夫觸之而云折東南眇其既傾

西北豁其中裂有杞者國竟未掬其烏蟾有歷其都奄
以成其魚鱉共何壯兮而損其盈媧何神歟而補其闕
天且不能自固地且不能自恃安得而有萬物安得而
運四時彼山川與象緯其孰為之主司生也既無其主
死也云其告誰何必拘拘而跼跼可浩然而順之吾知
惡之不能為惡故去之曰羣生之所靈吾知善之不能
為善故就之曰有生之大路雖粉骨而糜軀終不改乎
此度重曰予既昧此杳冥兮迷之不知其所屆將寄命

於六師訪真訣乎遐外見流星以為旗邀白雲而為蓋
玉虬紛其旖旎青鸞儼其容裔霓為裳兮羽為旗雷為
車兮電為旂嘒嘒兮上馳遙遙兮橫厲忽若夢兮有覺
與巫陽兮相會巫陽為予兮挈一作潔龜龜告予以雙支
朱雀搖而金躍青龍發而火馳虵登栖兮鷄入穴雲北
走兮水西垂巫陽曰反兮覆兆不告靈蔡誠不能知造
化之心數朽骨焉足以定古今之倚伏請導列缺之前
旌部豐隆之後轂披上帝之玄鍵考中皇之秘籙於是

排雲旌兮叫諸闕登紫翠兮伏瑤壇靈烏果其將駕東
皇釐其既觀余敷枉而未決兮東皇頷而不言玉女申
之以瓊藥靈妃賦之以琅玕悵容與而不駐肅雲軟於南
軒窈窕徘徊邈矣悠哉下臨兮星雨上絕兮氛埃傍徨
兮三清之館縹緲兮八風之臺俯觀兮故國洞崢嶸兮
無極長懷兮故人涕潺湲兮霑軾橫天苑歷北辰經市
樓兮一息停余車之麟麟涉明河之清淺過織女而問
津巫陽曰左招搖兮右天駟太一之居兮無不利其道

也。楓為天兮棗為地。盍往從之兮導君意。太乙方握髯

低眉右手拄

一作堵

頤。或以日臨命以歲加時。再轉兮再

攷三命兮三推華蓋。微明兮君子居貞之位。太陽陰主

兮天人厄運之期。若夫一氣鴻蒙萬化。緇釐此星精與

木局又何足以知之。巫陽曰太上有老君焉。其名曰伯

陽。遊閭風之瓊圃。處倒影之琳堂。披拂日月。咀嚼煙霜。

撫千載兮為朝。為暮。濟萬物兮若存若亡。古之聰明博

達而不死者。將與君子造崑崙之大荒。迨而容與弭節。

翱翔俄參元而下降濟弱水之湯湯擘軒臺而右轉對
玉檻之鏘鏘伯陽欣然見予曰昇之來何遲何故疲憊
之如是何故枯槁之若茲吾適以爾小別今將千二百
暮昔者爾為翟吾固知爾潔潔焉無益其後爾為舟吾
欲告爾休休焉不留名已登乎仙格爾身常蹇乎中州
噫哉甚可痛甚可哭多智也命之斧斤多才也身之桎
梏爾形骸之在地也每矍矍然求媒精魂之於天也又
遑遑焉訪卜何異儀丹鳳於膠柱飼玄魚於森木何晚

晤之逶迤何早計之齷齪嗚呼何異喪其親也揭竿而
求諸海失其子也擊鼓而訪諸道途之遠矣曷其云蘇
與影捕逐可不謂悲乎夫道之動也紛紛跌跌靜也若
喪若失矐兮不以死生為二塊兮若以天地為一生於
萬物之後不為緩死於太古之前不為疾弊萬類也不
謂之凶利四海也不謂之吉夫如是則巨浸稽天而不
溺鴻災治地而不然生死不能為其壽夭變化適足寄
其騰遷化而為魚也則躍龍門而橫碣石化而為鳥也

則陪

莊子作培

羊角而負青天為社也則長無斤斧之患為

瓠也則泛乎泱泱之川物無可而不可何必守固以拳

拳余於是乎嗒然而喪其偶倏爾而失其知思故池之

淶水憶中國之桂枝栩栩然若有得茫茫然若有亡嘆

彷彿兮覺悟魂已歸乎北鄉其往也人皆為之避席其

返也鳥不為之亂行歌曰茨山有薇兮潁水有漪儒一作

夷為栢兮秋有實叔為柳兮春雨一作向飛倏爾而笑汎

滄浪兮不歸焉

此一作字

祝集作祀瘧癘文序

皮日休

昔夏后氏鑄鼎象物使民知神姦或魑魅之外魍魎之
餘匿天命竊帝威罔不見形於鼎上者自夏后氏去繼

為禍於人間被之者始若處氷檻集作濫復若落炎井眩

瞽熒惑視之累形聽者重聲骨節怠集作殆重如山已傾

始或醒時奪人之情喪人之精兀若木偶昏如宿醒噫

或飲食不節哀樂失所病于人者上則湯劑次則礦艾

愈矣凡有集作非是病者人也又非天也湯劑不可理礦

艾不可攻嗚呼癘之能禍人是必有知也既有知奚不

效神為聰明正直不加崇於君子焉遂為文祝集作祀而

逐之曰癘乎癘乎有事君不盡節事親不盡孝出為叛

臣入為逆子天未降刑尚或竊生爾宜癘之有轉祿樹

威僭物行機上弄國權下戲民命天未降刑尚或竊生

爾宜癘之有賣交取祿諂交結族一言不善禍發如鏃

天未降刑尚或竊生爾宜癘之美曼之色媚于君側巧

笑未已足亡于國天未降刑尚或竊生爾宜癘之柔佞

之言惑于君前委順未足國步移焉天未降刑尚或竊
生爾宜癘之四星之臣集作奉于紫宸蕭牆起禍帝座
蒙塵天未降刑尚或竊生爾宜癘之見灾幸久聞禍樂
成含羞冒貴忍妬貪榮天未降刑尚或竊生爾宜癘之
癘乎癘乎爾目不盲爾耳不聾如向來之所陳奚不禍
于其躬仁者必有厄義者必有窮見仁義而無癘遇奸
佞而肆凶非惟去乎物患抑亦代乎天工癘乎癘乎苟
依吾言而若是吾將達爾于帝聰

文苑英華卷三百五十五

欽定四庫全書

文苑英華卷三百五十六 宋 李昉等 編

騷三

弔屈原一首

九諷系述一首

九諷九篇

反招魂一首

悼賈一首

弔屈原

柳宗元

後先生蓋千祀兮余再逐而浮湘求先生之汨羅兮墮

蘅若以薦芳願荒忽之顧懷兮冀陳辭而有明集作先

生之不從世兮惟道是就支離搶攘兮遭世孔波華蟲

薦壤兮進御羔裘牝雞咿嘓兮孤雄束味哇咬環觀兮

蒙耳大呂董喙以為羞兮焚棄稷黍岸詩宜岸宜獄
集作非獄

之不知避兮宮庭之不處陷塗藉穢兮榮若繡黼棖折

火烈兮娛娛集作
娛笑舞讒巧之哢哢兮惑以為咸池便

媚鞠慝兮美愈集作
適西施謂謨言之恠誣兮反寘瑱而

遠違匿重痼以諱避兮進俞緩之不可為何先生之凜

凜兮厲鉞石而從之

但一有字

仲尼之去魯兮曰吾行之遲遲

柳下惠之直道兮又焉往而可施今夫世之議夫子兮

曰何隱忍而懷斯惟達人之卓軌兮固僻陋之所疑委
故都以從利兮吾知先生之不忍立而視其覆墜兮又
非先生之所志窮與達固不渝兮夫惟服道以守義矧
先生之悃幅兮蹈大故而不貳沉璜瘞佩兮孰幽而不
光荃蕙蔽匿兮胡久而不芳先生之貌不可得兮猶髣
髴其文章托遺編而歎喟兮渙余涕之盈睚呵星辰而

驅詭恠兮夫孰救於崩亡何揮霍夫雷電兮苟為是之
荒茫耀姱辭之曠朗兮世果以是之為狂哀余姱之坎
坎兮獨愠憤而增傷諒先生之不言兮後之人又何望

中

集作忠

誠之既內激兮抑咸

集作衝

忍而不長竿為屈之

幾何兮胡獨焚其中腸吾哀今之為仕兮庸有慮時之
否臧食君之祿畏不厚兮悼得位之不昌退自服以默
默兮曰吾言之不行既媮風之不可去兮懷先生之可

忘

此篇第一千卷哀吊門重出今已削去

九諷系述

皮日休

在昔屈平既放作離騷經正詭俗而為九歌辨窮愁而為九章是後詞人擬而為之皆所以嗜其麗詞揮集作探

其逸藻者也至若宋玉之九辨王褒之九懷劉向之九

嘆王逸之九思其為清怨

集作愁

素艷幽快

集作扶

古秀皆

得芝蘭之芬芳鸞鳳之毛羽也自屈原已

集作以

降繼而

作者皆相去數百祀足知其文難述其詞罕繼者矣大

凡有文人不擇難易皆出於毫端者乃大作者也揚雄
之文孔孟乎而有廣騷也梁竦之詞班馬乎其一作有

悼騷也又不知王逸奚罪其文不以二家之述為離騷

之兩派也昔者聖賢不偶命必著書以見志况斯文之

怨抑歎噫吾之道不為不明吾之命未為未文粹偶而

見志於斯文者吾懼來世任臣之君因一作謗而去賢

持祿之士以猜而遠德故復嗣數賢之作以九為數命

之曰九諷焉嗚呼百世之下復有脩離騷章句者乎則

吾之丈未過不為乎廣騷悼騷也

九諷

正俗

粵句臺之薄俗兮其風狡而且苦吾欲以直道握烏入切

其邪心兮皆逞容而莫顧前而誨行兮後止高而踰集作

喻仰兮下俯咸為疑吾之儼音翻為愚兮竝以吾之懇音埋

為偃羗靈脩之乃吾知兮先職我而為輔奈其臣之信

信魚中切兮乃不知吾之所撫亡輔切吾欲以明詰之性辨

君臣之分兮定文物之數吾欲以正直集作之道兮進

忠賢而退姦豎吾欲以醇釀之化兮反當今而為往古

吾欲以忖度之志兮定觚圖而反規矩念僂覆上臺下

翼之在位兮若梟羊之當路內灼怛以如偉制吏兮復切

何知其所愬乃指天而鬱悠兮將天奪乎國之祐永愬

愬以何言兮將求知於吾祖

馬謖

有舫兮墨而謂之不潔有泉兮壅而謂之不決有蔭兮

輔而謂之不芳有軸兮

苦結反

而謂之不輒聲

咍呼遠切

唏

呼兒切

以無音兮氣鬱悒而空咽

集作噎

既憇憇

魚觀切川文粹

作起起

以憎懼兮又謾謾而不訣誣彭祖以為孺兮譎殤

子以為老黜衆人之難信兮擗夸者之不悅佞為贅兮

何去姦為麗兮莫副讜為轡兮莫銜謗為玉兮何切彘

既膿

而羊切

而必烹兮木方菱

子公切

兮必折心轆轤

以集作

而似車兮思綿綿而如跌手欲動兮似拳足將行兮如

緘既不辨於

文粹其

顏跖兮遂一貫於堯桀吾哀生之不

逢兮奚至死而懃懃念帝座之不燼他郎切兮胡集作故交
光於卷古既何路以自辨兮遂沒齒而癆刺

見逐

靳尚之言兮美於集作如嬀子蘭之氣兮醲於醒既怒睒

音以相向兮遂裹足而南征而懼懼音以奚文粹作美色兮

心憐憐音榮以集作而何情耳方聰兮忽瞶集作撰目正集作方

視兮忽盲目當午兮便是天方晝兮不明欲泣兮有血

將啼兮失聲望靈修兮似失出國門兮若驚輒識怨兮

欲緩駟知愁兮復明既徜徉兮夏水復眷戀兮南荆嗟

余夙稟於大訓兮涵清國之忠貞既賢者之莫余容兮

向重蒼而自明既憚仁以憑義兮遂鉢

匹歷切漢書鈎鉢折亂注鉢破

也信而規

規音規

誠將真宰者

此一無此字

之不仁兮胡為役余以

此生彼鸞

預音預

斯之蠱賊兮固不能容乎鶴鷗彼茨菉之

藪穢兮固不能讓於杜蘅已矣乎國無人兮莫我留將

訴帝于玉京

悲遊

荷為凋

丁牢切

兮芰為襪

彼皮切

荃為襜

居奴切

兮薜為禕

吾棹兮澧之浦駐吾楫兮湘之湄悲莫悲兮新去國怨

莫怨兮新相思幽篁蕭兮靜晚清漪澹兮去遲湘君欲

出兮風水急帝子不來兮煙雨微芷既老兮深一作白葍

日將暮兮紅萋朝浮乎鵲蹠音啼夕叫乎羈雌集作極澨

漾兮不止潢音黃悠悠兮何之日出沒兮北渚雲依稀兮

九疑既無人以辨余兮又何心而怨咨退不解其怗音惓

惓音惓進不知其忸怩寒蜩怨而無聲兮古木淒其寡枝

嗟吾魄之不返兮千秋萬歲湘中馳

憫邪

慨天道之不明兮何獨生此大佞若猓猶之能冠兮當
一國而持柄見亂臣之反詐兮信其主以不競轍已覆
而又遵兮佗將齏而不整不思心腹之疾兮又玩膏肓
之病竟客死于咸陽兮終不作毒王之幸既養脆音以
遺患兮遂倒鉞音而授柄將諛臣之肆禍兮豈上天之
付命粵吾大以為不可兮彼以災而為慶儻靈脩之魄

有知兮刷吾耻於下墮

端憂

有一美人兮端憂千喑萬怒兮曾不得以少休腸結多
以其迴兮淚啼劇而不流王孫何處兮碧草極目公子
不來兮清湘滿樓汀邊月色兮曉復一作將曉浦上蘆花

兮秋復秋天次寥以似悴兮峯巉翠以如抽篔簹颯兮
兩岸杜若死兮霜洲遺余程兮澧之側整余陌兮湘之
幽望汝頽兮秭歸夢懷宋玉兮荆門愁欲向天以噉吽

兮寸晷不可以少留又不知吾魂之所處兮永冥冥以
悠悠

紀祀

山之巔兮水之涘桂為祠兮蘭為位

一作祀

執玉桴兮扣

雷鼓奠金盞音摩兮滴蜉蟻薦瓊芳兮望暮雲獻椒醕兮

拜寒水祝盼蟹以恠談兮巫妖冶而魅醉波倏忽

集作倏

兮湘君風

集作竹

蕭疎兮帝子日將暮兮河伯秋正深兮

山鬼神之化兮何方人之艱兮至此胡不化其邪而為

直

集作正

兮胡不返其戾而為義胡不轉其亡而為興兮

胡不易其亂而為治但血食于下國兮曾不少禪於有

為

集作位

吾將乘青螭而駕白虬兮將謁帝而訴神之累

請天弧發鏃兮天棊行箕神速悔尤俾吾靈脩而易志

捨慕

粵吾秉心兮潔於瑾瑜芬其德而芳其道兮榮於薜蘿
將興國以見罪兮擬佐王而蒙辜彼羣小之茸茸兮如
慕臭之虺蜥以大鵬為雀兮以康瓠為飢以袞衣為襍

兮以黎丘為墟以鄭姬為醜兮以子產為愚以鮑焦為
貪兮以孔聖為誣吾將奮鱗於太空兮奚獨慕此江湖
吾將發榮於蟠桃兮奚獨守此蒿蕪吾將蕩其魄兮驂
風軌集作與乾一作車謁帝於冥冥之中兮秉其生殺
之樞將飄飄以高逝兮亦何必懷此奸文粹佞邪之故都

潔死

克死兮舜滅禹殄兮湯絕似玉兮將沉似金兮永折集
沒行以仁兮止以義生以貞兮死以潔念余曾不足以

蹈聖圃兮亦慕茲而自悅湘浦兮煙沉沅江兮風切顧
影兮自憐撫躬兮永訣鬼慘兮天愁神悲一作雨泣兮泉咽
竟汨沒以奔淪兮永幽憂而拂鬱湘之山兮未盡湘之
流兮不竭千秋兮愁雲萬古兮明月靈均之冤兮孰能
銷其氣靈均之愁兮孰能釋其結來者之取集作鑿兮
無致恨於牙孽

反招魂併

前人

屈原作大招魂

或云景差作
疑不能明

宋玉作招魂皮子以為忠

放不如守介而死奚招魂為故作反招魂一篇以辨之

辭曰承溟滓之命兮付余才以一作輔君君既不得乎

志兮余飄飄而播遷余將蕩大空而就滅兮君又招余

俾復身余詣帝以請訣兮帝俾巫陽以筮云巫陽御一作

語余以不可歸兮故作詞以招魂集作君乃下招曰君集作

余兮歸來故都慎不可留些其君雄虺兮其民封狐些

食民之肝膈以為其肉兮摘民之髮膚以為其衣些朝

刀鋸而暮鼎鑊兮上曖昧而下墨呆上眉下癡些君兮來歸

故都慎不可留些余昔為比干之魂兮干僂而余去些
未聞干貪生以自招兮余竟潔其所處些君兮歸來故
都慎不可留些余昔為伍胥之魂兮胥僂而余逝些未
聞胥貪位以惜生兮執屬鏹而不滯些君兮歸來故都
慎不可留些余昔為弘演之魂兮演自殘而余行些未
聞演惜命以不死兮俾其義而義明些君兮歸來故都
慎不可留些帝命余以輔君兮亦以君之忠介自今以
忠而見聞歟尚盤桓而有待些將自富貴而入羈旅兮

其志乃悔些將戀骨肉而惜家族兮何不自裁去聲些梟

食母而鏡

集作鏡

食父兮見禽獸之為生些苟克殘者眉

壽兮食梟鏡

集作鏡

之集作而

同名些君乎慎勿懷故都之

戀歸來乎余為君存千古忠烈之榮名集作枯些

悼賈并序

前人

余嘗讀賈誼新書見其經濟之學大矣哉真命世王佐之才也自漢氏革羸高祖得於矢石不暇延儒生文料作人及為天子制缺度弛處華而夷是時獨有叔孫生能定

朝儀其制未悉唯生草其書欲以制屈諸侯推定正朔

調革輿服通流貨幣天不祐漢絳灌興謗竟枉其道出

傳湘南

集作沅

生自以不得志哀屈平之放逐及渡沅

文粹

無此字

湘沉文以弔之故其辭曰眇

丑離切

九州而相君兮

何必懷此都也

一作此故都

噫余釋生之意矣當戰國時屈

平不用於荆則有齊趙秦魏矣何不捨荆而相他國乎

余謂平雖遭靳尚子蘭之讒不忍舍同姓之邦為他國

之相宜矣然則生之見棄又甚於平當漢時舍乎帝則

為諸侯矣如適諸侯則新書之文抑諸侯而尊天子也
捨諸侯則胡越矣如適胡越則新書之文滅胡越而崇
中夏也是以其心切其憤深其詞隱而麗其藻傷而雅
余悲生哀平之見棄又生不能自明一作用其道嗚呼聖
賢之文與道也求知與用苟不在於一時而在于百世
之後者乎其生之哀平歟余之悲生歟吾之道也廢與
用幸未可知但不知百世之後得其文而存之者復何
人也咸通癸未中南浮至沅湘復沉文以悼之其詞曰

粵炎緒之媽綿兮其國度之未彰天錫生以命理兮莫

其道之益光偉吳公之知賢兮道其名於文皇既賴音

厥音轄以召之兮遂位之於上庠愍耄儒之憊室集作兮

對天問文粹作之不臧既羣愚之讓俊兮馳其譽之煌

煌嘆集作大漢之不緒兮蚪其賢於汙潢上下溷而不

分兮議削制於驕王殺僂焚而不制兮斷梓胡與集作

寇攘羗虜全以侵華兮曾不能以抑強餌其嗜之延延

兮寔一作三代之計良念五德之更承兮論臚結而不

綱乃秉臆以興說兮數用五而色上

文粹作尚

粹黃又諸侯以

開國兮輸其租於咸陽曾不得以撫民兮俾其君兮可

忘請紆綢音愚以乘印兮各馳化于所疆上既說而欲大

通兮遭絳灌于東陽道既擯兮何明何出傳于三

集作於阮

湘停音教沅波之滄集作滄兮或漁集作漁棹以夷猶望靈

均之沒所兮額頰其心之怛怛臨汨羅之浩漾兮想懷

沙之幽憂森一作森穆蘿以蓊鬱兮時併歎以相號霧雨

暗于北渚蝸蟪毒乎芳洲景黯沮以不明兮若夫悼乎

離騷香依依兮杜若韻淒淒

集作萋萋

兮菜蕩

上音栗下音勞

山隱

隱以掃空兮煙微微而澹

集作淡

秋吾不知所感兮淚愴

恨以橫流當抱憤于渺瀰兮曾無足以少休既芟亂以

傷思兮聞

集作又

鴝鷓而動愁嗚呼哀哉世既不平頷

慮吾

切吾道以為非兮吾復何依蘋蘭憔悴兮根莠繁滋麟

鳳匿跡兮梟鏡

文粹作鏡

騰威憤

文粹作哲

匠罷斤

文粹作斧

兮拙者

搆之離婁閉目兮替者揚眉子都蒙袂兮敦洽騁姿嗚

呼哀哉亦先生之尤也貽其世之不可兮何不解而去

位丈垂萬世之名兮取舍在此奚自取謗於童叟兮乃
憫然而為累蓋伊尹三就五就之心兮冀其民之可治
奈昏昏之不悟兮又被之以非議幸一人之再覺兮答
受釐之與義既辱王以墮駕兮乃寃慟而已矣訊曰君
不明兮莫我知幽都寂兮和涕歸文懸日月兮俟後聖
用之大故忽兮其何足悲

文苑英華卷三百五十六